

Na osnovu člana 20., stav 5. Zakona o razvojnom planiranju i upravljanju razvojem u Federaciji BiH ("Službene novine Federacije BiH", broj 32/17), člana 18. Uredbe o izradi strateških dokumenata u Federaciji BiH ("Službene novine Federacije BiH", broj 74/19), člana 24. Statuta općine Sanski Most ("Službeni glasnik općine Sanski Most", br. 4/08, 5/08, 5/09, 2/10, 9/11) Općinsko vijeće Sanski Most na 12. sjednici održanoj dana 15.02.2022. godine donijelo je:

ODLUKU

o usvajanju Strategije lokalnog razvoja općine Sanski Most za period 2022. – 2027. godine

Član 1.

Usvaja se Strategija razvoja Unsko-sanskog kantona za period 2021. – 2027. kao strateški okvir razvoja Općine Sanski Most za period 2022. – 2027.

Član 2.

Zadužuje se Služba za razvoj, poduzetništvo i resurse da u skladu sa članom 11. Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine ("Službene novine FBiH", broj 74/19) danom stupanja na snagu ove Odluke u periodu od 30 dana sprovede proces javnih konsultacija za izradu Trogodišnjeg plana implementacije za period 2022. – 2024.

Trogodišnji plan implementacije iz prethodnog stava treba sadržavati konkretne projekte i mjere sa definiranom finansijskom konstrukcijom, nosiocima implementacije i dinamičkim planom, koji su u skladu sa strateškim ciljevima i prioritetima obuhvaćenim strateškim okvirom razvoja Općine Sanski Most.

Član 3.

Sastavni dio ove Odluke je Strategija razvoja Unsko-sanskog kantona za period 2021. – 2027., i ista će se objaviti na web stranici Općine Sanski Most u svrhu sprovođenja javnih konsultacija iz člana 2. ove Odluke.

Član 4.

Stupanjem na snagu ove Odluke, van snage se stavlja Odluka o usvajanju Strategije lokalnog razvoja Općine Sanski Most u periodu 2014. – 2023., br. 01-02-8/14 od 21.02.2014. godine (Službeni glasnik općine Sanski Most, br. 1/14).

Član 5.

Ova Odluka stupa na snagu 8 dana od dana objavljivanja u Službenom glasniku općine Sanski Most.

Broj: 01-02-46 /22
Datum: 16.02.2022. godine



Predsjedavajuća Općinskog vijeća
Sanda Čekić